

民國二十二年一月份

浙江
省輿論
概況



伊

中國國民黨浙江省執行委員會編印

上海图书馆藏书



A541 212 0015 0322B



浙江省輿論概況

民國二十二年一月份

一、緒言

本省報紙，大小約九十家。在十七年以前，言論頗爲複雜，且間有反動論調。最近數年，則以省黨部及各縣縣黨部之指導，漸上軌道，反動言論，久已絕跡。惟各報主持之人，學歷各有不同，言論程度，尙極參差。最近年餘以來，省黨部以當此國難期間，報紙宣傳，極端重要，深切注意於各報之言論，且常加糾繩，不使逸越。最近數月，全省報紙，均頗能言論集中，於抗日等問題，意見尤有趨於一致——主張積極抵抗——之概。自此以往，省黨部及各縣黨部，果再加以高一層之注意，使各報言論，日漸有力，確能領導民衆，代表民意，把握時代，則浙省輿論前途，將更大有可觀已。

本省輿論概況之編輯，肇始於本年，以後將月出一冊，將全省輿論大勢，介紹與全省人士，同時，亦使各報得知同業言論之大概，而收觀摩之效。



又本書之編輯，取分區敘述法，以省會爲一區，杭嘉湖，寧紹台，金衢嚴，溫處各爲一區。凡在該區出版之報紙，均爲該區之範圍，不分黨辦非黨辦，亦不分三日刊，週刊，與日刊也。

一月份全省之輿論，大致集中於榆關，抗日，義勇軍，及航空救國等事件上。杭州報紙，則對國聯，及劉焜生案及本省事件間亦論及。總之言論正當，則毫無二致。至各縣輿論，大要如下：

一月份各縣報紙之輿論，大抵對於抗日救國及榆熱問題之論評爲多，其中尤以舊嘉屬各報爲最，次爲關於航空救國問題，鴉片問題，保衛團紀律問題，以甯台舊屬各縣報紙著論較詳。此外如金溫處舊屬各縣及杭紹各縣報紙，對於各該地方問題，亦時有論述。總計本省除省會外各縣報紙約有八十餘家，而常有社論者，僅二十餘家，其他報紙除元旦稍有論評外，對於國家社會有所批評貢獻者極少，要亦格於人材與經濟之故。至編法及論評稍新穎而有力者，當推各民國日報。次之如時事公報，嶧新日報，嘉興商報

之評論，亦尙公允。此外各報，對於國事雖常論及，然多不着邊際，且過於膚泛，於指導民衆，似尙距離甚遙。

二、輿論概況

第一 省會區各報輿論概況

(1) 榆關事件之評論 榆關失陷時，省會各報多在新年休刊期中，祇杭州民國日報有論評討論此事，主張極力抵抗，其最精湛之言，有謂：『主張極力抵抗，吾人自身之力量，究有幾何，固不必問，即抵抗之結果如何，亦不當問。蓋國家民族，被凌辱壓迫至此，爲國民者，已絕無偷生苟活之餘地，任人侵略，而不抵抗，乃坐以待斃，奮起自救，誓死抵抗，則爲死裏求生，縱二者同不免於死，光榮之犧牲，不愈於恥辱之屠戮耶？』該報關於此事，續有：榆關抗日戰以後，榆關事件與張學良等文。責張學良失守榆關之罪，并諷其先收復榆關，再出去收復東北三省。杭縣日報對於此事亦有論評，謂：國人苟安心理太重，榆關失陷，即失於國人之苟安，此後欲收復榆關及關外，必須破

除此種苟安心理，努力振作。

(2) 救國方法之評論 杭州民國日報，對此事有社論一則，標題爲：救國之道，主張：各獻所有，各盡所能，不爲叫囂凌亂之舉。杭州國民新聞則有一文：主張實地救國，說目前高言救國者之空疎，亦頗有可取。

(3) 浙省抗日問題之評論 關於此事，杭州民國日報曾有浙省抗日力量，及貢獻於本省政府兩文。後者言論甚爲警策，茲附於下：

貢獻於本省政府

自榆關不守，釁端重啓，全國之人心，已屈忍無可忍之時期，全國之軍人，亦羣下一致之決心，欲與強敵作殊死之奮鬪，蓋非「戰」無以圖存，非「戰」亦難期和平，「戰」之呼號，久爲一時之輿論，期「戰」望「戰」之心，至今日而倍切，亦固其所。惟今日之戰，非短兵相接勝負立判之戰也，亦非攻城略地取快一時之戰也。乃須國民全體之總動員，爲長期之持久戰，國家物資之總集中，爲普遍之大規模戰。換言之，卽國力

與國力之角逐而已！方今中央之軍事計劃，非吾人所能料，然則地方政府於軍事計劃部份以外，應儘先作戰時之準備，則爲吾人所願貢獻於本省政府者。

夫中日一旦宣戰，浙江首將淪爲戰區，大軍入浙，糧秣之如何供應？夫役之如何遣調？用品之如何籌給？工事之如何協助？事關軍需，非倉卒所能立辦，今日亦有預擬之辦法否？浙江工業，雖尙幼稚，然一切機器工廠，可供戰時利用，或製被服，或造械彈，今日亦有詳細之調查否？就戰略言，何地應暫時放棄，何地應永久堅守，雖非地方政府所能確知，然在軍事委員會指導之下，當先時預爲佈置，則因地制宜，庶幾不致臨變倉卒，今日亦正在進行中否？戰端既開，人民生命財產之犧牲，本不能免，然趨避之方，不得不預爲指示，以求損失減至最低限度，今日亦曾籌議及之否？凡此種種，均係與戰爭生直接關係，而爲本省政府所宜竭全力注意者一也。

浙江面積，在全國各省中，雖爲最小，然廣袤達三十二萬八千餘方里，日本即以傾國之師來犯，亦豈能徧及，誠能地方嚴守秩序，有事勿相驚擾，日本軍隊，縱挾其最堅

銳之新式武器，以臨吾土，亦不足畏。然戰時國軍加入作戰，省保安隊亦須作戰爭之輔助，而凡現有之警察隊保衛團等，至必要時，亦在徵募之列。地方一旦失其防衛，秩序勢必頓形紊亂，故今日本省政府，首宜充實地方自衛之力量，以資準備。本省各縣基幹隊，興辦方始，保民不足，擾民有餘，今日速應嚴密整頓切實訓練，爲本省政府所宜竭全力注意者二也。

浙江資源，糧食尙不足自給，礦產亦多未開採，而原有絲茶物產及其他貿易，在戰時必胥歸停頓。然軍實不可一日或缺，而人民生活必需之食糧，亦必當早爲之備。浙人於太平天國之後，不見兵革垂八十年，社會習於逸樂，向未有應付危難之訓練。稍遇困苦，缺乏忍耐能力，尤爲顯然，今日一方如何集結資源，使生產作合理之分配；一方如何節約浪費，使戰時免人民於餓餓。同時如何勗勉同胞，共同以堅毅之精神，應付非常之環境。爲本省政府所應竭全力注意者三也。

吾省今日而言戰爭之準備，似尙早計。然國人以無備而失東北三省，以無備而失榆

關重鎮，今日不備，尙待何時？况浙海密邇日本，軍艦疾駛，朝發可以夕至，則危機之來，誰能保證其不爲明日事乎？

(4) 東北義勇軍之評論 杭州民國日報對在大孤山飢寒困斃之東北義勇軍四百人，備極惋惜，并責國人不能盡量爲充分之接濟。

(5) 段祺瑞南來之評論 關於此事，杭州民國日報及杭縣日報，俱有評論，大致皆對段南下表示相當之敬意，并對日本之陰謀，痛加抨擊。

(6) 航空救國之評論 關於此事，各報多有評論，并逐日登載省黨部及航空救國宣傳週之宣傳文字，各報對此，均極主張大家努力捐輸，購機救國。杭州民國日報并有：空戰之重要性，及對救國飛機募捐辦法之貢獻兩文，杭州國民新聞有：『從何處說起——姑論航空救國，』浙江商報及杭縣日報均有：『航空救國』等文字。亦均極力主張大家輸財購機。

(7) 劉煜生案之評論 關於此事，浙江商報及杭縣日報均有評論：浙江商報標題

爲：鎮江記者劉煜生槍決事，杭縣日報標題爲：監院彈劾蘇主席。兩文均主查究顧祝同，保障言論自由。又與此案有關之文字，則爲浙江商報之『民權保障同盟』一文，此文對言論自由等民權，亦主張予以保障。

第二 杭嘉湖區各報輿論概況

(1) 榆關事件之評議 一月二日晚榆關失陷後，杭嘉湖各報，均有評論。一月八日新海寧報社論謂：『日寇欲圖平津，不得不先取榆關又復大佈海軍艦隊於秦皇島，圖收水陸兼攻之效。徒恃國聯爲世界正義公理之支持者，其爲夢囈無疑。我人欲爲大中華之自由民者，速爲自救自強之計』。一月九日嘉區民國日報社論謂：『此次榆關之失陷，失敗於科學利器之不及敵人，吾人如今欲與敵人一決雌雄，則除奮其愛國之精神外，尙須速行補充科學之利器。補充一事，政府財力既不應此需求，則凡擁有巨資之人，實應有毀家紓難之舉，而抵抗之能否持久，全視國民毀家紓難力量之強弱爲斷』。十日續論：『自暴日叩關以來，各地報章所載電文表示，殊形民氣激昂之字句。惟在全民族存

亡於萬一』云。

(2)對日問題之評論 一月十四日新海甯報社論謂：『暴日攻陷榆關，進迫熱河，並於榆關作炮台擬作長期駐守，而政府之應付方法，仍寂然無聞。然我國軍人對內戰則勇氣百倍，禦外侮則壯志頓消，故今日之事，惟我民衆自身之覺悟耳』。一月十四日嘉區民國日報社評謂：『我國對日問題，實已完全達到以實力抵抗替代外交交涉之時期。蓋惟有竭全國實力誓死抵抗，始可以言外交亦惟有竭全國實力誓死抵抗始可望外交有出路，卽就整個國家民族言，亦惟有竭全國實力，誓死抵抗，而後始有生存之希望。』一月十二日平湖城報社論謂：『對日問題，現非從空論理之時，惟有絕不思維，絕不躊躇，合全國武力，迎頭痛擊，實行懲創，始爲民國史上最有價值之一頁』。一月十九日嘉區民國日報社論云：生死存亡之今日，其表示當不以形諸電文爲已足，而於堅強國家組織之前提下，促成政府權威之發揮，此權威之發揮，乃以個人服從爲原素，乃爲我人民所應領悟者』。一月十二日嘉興商報社論謂：『榆關失陷，平津陸危，惟願全國軍人

，從此猛省，棄畛域之見，泯派系之分，毋使請纓抗敵之聲，仍落粉飾門面之語，則國祚民脈，庶乎有豸一。十八日嘉區民國日報社論謂：『日人關於榆關事件，盡力宣傳視爲地方事件，並謠謂我政府有就地解決之意，完全爲圖卸責任，緩我民氣，欺騙世界，昭然若揭，幸我全國民衆，世界人士，勿爲所欺。而我人民在此國難日緊之秋，尤應堅信政府，決無以東北事件，認作地方事件解決之意。揭破日人陰謀狡計，激發民族意識，共起一致在政府領導之下，切實抗日，以拯我民族。並謂：今茲抗日，非抵抗不足以救亡，而抵抗非集中人力物力以赴之，仍不足救亡，願政府與國人三復思之』。一月十八日嘉興民報社論謂：『願農工商學各界同胞應一致覺悟，共起抗日，以救我破碎河山』。一月十二日湖州新潮聲報社論謂：『我國對日應急起直追，抵抗到底，以謀自救，反之，惟求國際善我者，勢必亡國無疑。』

(3) 援助義軍問題

一月十七日新海甯報社論謂：『華北將士抗敵，故應速援華北，此係國民應有之責，尤其各路義軍方竭全力以爭最後勝利，則加緊應援義軍，尤爲

急中之急。」一月十八日湖州新湖聲報社論謂：「榆關一帶義軍因天寒地凍，今乃猶着單衣，衝鋒於刀冰箭雪之間，而向倭逆浴血抗鬥，忠勇奮發之氣，直使倭奴咋舌。各後援會大聲疾呼，向國人求救，使義軍得一襲寒衣，以禦強暴，而國人徘徊觀望，不知痛癢，慳囊不肯稍加開放，致爲我義軍，而凍死於風雪之下，此國人應作如何感想。」

(4) 國聯處置中日事件之評議

一月十七日湖州新湖聲報社論謂：「日本橫強野蠻，佔我版圖，殺我人民，則未來之世界大戰，殆必因國聯袒護野心，國而燃着其引火線，可無疑義。今國聯一味縱容日，自毀其面目，我國當應憬悟，吾人已知，日本佔我三省，尙爲國聯所擁護，若非我對日抵抗，以求自救，則國亡有日，誠無待龜著。」

(5) 民國成立紀念之論評

一月一日嘉興商報社論謂：「茲所望於政府者，從斯負起責任，以忍辱負重之決心，雪歷來庸懦之恥辱，澄清內政，以蘇民困，改轍外交，以張國威，失地誓必收回，外侮誓必抵抗。至所望於民衆者，從此齊一意志，奮刻苦耐勞之精神，圖民族力量之自強，革衰頹之心理，棄奢侈之生活，公忠體國，毀家紓難

，更望政府與人民，從此通力合作，以矯往昔隔膜離析之弊，而收精誠團結之效，俾得一心一德，從事內外大政之改革，實業教育之振興。誠如此，則國家民族，亦得有安固之寄託矣。』

第三 甯紹台區各報輿論概況

(1) 榆關事件之評議

一月十一日甯波商報社論謂：『日本之進佔榆關，直逼秦皇島，實爲奪取熱河，威脅平津之先聲。其狡焉思逞，昭然若揭。彼英法大國，仍不惜爲日張目，則今日之世界，沉淪後落，必不在遠。我國朝野須本天助自助之義，共奮起自救。』一月六日餘姚民國日報社論謂：『山海關被日佔據，無異全國領土被佔，同胞同胞，禍已燃眉，嘗奴隸之苦味已迫近咫尺，果不猛醒，羣策羣力，急起救人自救，將使山河變色，而重振旗鼓之機會，恐難以促其成矣。』一月十日紹興民國日報社論謂：『我人爲華北危急痛陳再三，亦極力竭聲疾呼矣。其速精誠團結，本臥薪嘗胆之遺教，爲國犧牲之精神，以挽此危機。』一月十一日椒江民報社論謂：『山海關爲我國第一門

戶，今者被奪，我政府國民不急起抵禦，則倭奴將長驅無阻。全國上下，當預防星火涓滴之時，勿使滋蔓難圖，噬臍莫及也可。」

(2) 對日問題之評論 中日問題，益形嚴重，故各縣報紙多著有激烈之評論。一

月一日鎮海報社論謂：「目前抗日問題，務須注意充實國防，全國動員，俾失地可以收復，熱河可以保全」云云。又一月一日姚江日報社論謂：「對日自消極言之，宜堅持抵制仇貨，進者幸勿再進，購者切勿再購，厲行經濟絕交，使暴日感受經濟上之大打擊，足制此世界惡魔之死命，自積極言之，宜戮力同心，爲政府後盾，並一致援助東北義軍」云。諸暨國民新聞一月一日社論謂：「對日問題，一須經濟絕交，二須整頓海軍，三須恢復民運，四須節衣縮食，五須便利交通，六須對日作戰，使能具體解決，收復東北何患困難」云。一月十三日該報續論云：「援熱援冀已不容緩，除武力抵抗外，乞助國聯，或紙上抗議，皆自速其亡」云。一月九日紹興民國日報社論謂：「對日應下最大決心，盡各人財力接濟東北義軍，並集合全國國民軍，以與暴日拚命，勝則爲復興之土耳

其，敗亡亦無愧爲炎黃子孫』。一月一日澄江報社論謂：『中國今日果欲自救，惟有準備對日作戰，若恃國聯，若恃公道，此仰人之助，貪天之功，則中國終於滅亡也』。

(3) 援助義軍問題

一月十七日紹興民國日報社論謂：『全國同胞應節省廢曆年節之消費，拯助東北義勇軍與被難同胞』云。一月一日澄江報社論謂：『吾人對關外義軍，宣傾家解囊，以爲資助，使蔚爲強大之軍隊，俾得與頑敵決勝於疆場，援之也烈，持之也恆，然後頑敵可摧，失地可復。』

(4) 監察院彈劾鄭楊案評論

自監察院成立後，彈劾官吏，十九爲貪污案件，甯波商報於一月十九日對監院彈劾鄭楊案評謂：『監委高友唐彈劾鄭毓秀楊肇煊案，社會殊爲注目，惟高之彈劾，能否構成鄭楊之罪責，吾人祇有靜觀當局之判定。』

第四 金衢嚴區各報輿論概況

(1) 榆關事件之評議 榆關失陷後全省輿論沸然，金區民國日報一月一日社論謂：『國運垂絲，幾於不救，吾人當以團結禦侮，督促政府出兵東北，收復失地，又嘗自

勉，此後將一自變更其因循怠惰之積習力，藉圖振作，輸財輸力，爲政府後盾，必要時執戈前驅，效死疆場，亦所不惜。」

(2) 對日問題之評議 一月十七日星期週刊評論云：『暴日既着着進迫，且時在作侵略準備，我人處此生死存亡絕續之秋，爲求國家民族生存，及保世界和平計，應一致奮起，作最大的準備，以與暴日決一死戰。準備之道維何？(一)全國上下一致精誠團結；(二)消除內戰，肅清赤匪；(三)厲行各種建設；(四)努力生產，節制消費。(五)實行徵兵制。(六)改革兵備，改良兵器，貯藏軍用品，及設立飛機軍艦製造廠；(七)統一軍事教育。』

(3) 對於國際聯盟之論評 龍游民報一月一日社論謂：『自中日問題發生後，我國卽訴諸國聯，國聯受理此案，迄已年餘，其所表現成績，誠不能不令人失望，且每延宕一次，卽無異予日本以充分之機會，犧牲我國土主權，痛心之事，孰逾於此。故吾人須知實力戰，勝於外交戰，欲規復失地，瀚雪奇恥，非實力莫屬。』

第五 溫處區各報輿論概況

(1) 榆關事件之評議 一月一日溫區民國日報社論謂：『榆關失陷，吾國如不能下決心，全國一致，共救危亡，則日軍之鐵蹄將踏遍全國，彼時恐國人求生不得，求死無所矣，國人應從速奮起，勿信賴國聯，勿信世界正義公理，祇有以自己之力量來奮鬥，祇有集合四萬萬人之力量，始能救自己救國家。』一月十二日該報社論謂：『榆熱戰事之發動，全國人民必竭全力以赴，而吾國守土之疆吏，又烏可不嚴陣以待，使寸土不失，幸免再蹈不抵抗主義之覆轍』。

(2) 抗日問題之評議 一月十三日溫區民國日報社論謂：『日本軍閥，今方急急準備第二次世界大戰，其心目中我國固可任彼蹂躪殘踏，罔所顧惜，然中國爲自衛計，爲保全國土計，應勿縱日本之屐痕，一步一步深入，此吾所望全國負守土之責軍人，應本其天職，劍及履及，以與倭寇一拚，全國同胞，應念茲在茲，一致抱犧牲之決心，共拯危亡』。

上海图书馆藏书



A541 212 0015 0322B



